



KNI A/S-imi noqqaasarfiit qanoq pissuseqarnissaannut politikki

KNI A/S

Akuerineqarpoq: 13. december 2023

KNI A/S-imi noqqaasarfiit qanoq pissuseqarnissaannut politikki

Ilisaritsineq imminullu qanoq piumaffiginissarput

KNI nioqqutinik pisiniarnermi inooqataanikkut, avatangiisimut kiisalu akisussaassusilimmik ileqqorissaarnermut pingaartitsisuuvoq.

Akisussaaffipput pilersuinerinnarmiingitsoq ilisimavarput. Siunissami tamatta piujuartitsinerunissatsinnut aamma suliniaqataavugut. Akisussaaffik tamanna qaqugukkulluunniit eqqummaariffiguaannarparput.

Taamaattumik inuit, avatangiiseq inuiaqatigiillu ataqqillugit pilersuinitta piujuartitsisumik akisussaassusilimmillu siuarsarnissaannut allagaq una pingaaruteqarpoq.

Inooqataanikkut akisussaaqataanerput pisinnaatitaaffinnut assigiinngitsunut tunngavoq kiisalu pilersuisuunitsinnut attuumassutilinnut sulisunut sumiiffinnilu inuiaqatigiinnut isumannaatsuutitsinissaq ilanngullugu.

KNI-mi politikkit suleriutsivullu atorneqartut nalilersortuartuuavut, taamaattumillu noqqaasarfinnut pissusilersuutaasusaaq manna pingaarutilittut ilaassaaq. Pitsaasumik piujuartitsisumillu noqqaasarfinnut suleqateqarnissaq anguniarlugu ammasumik angusaqarluarfiusussamillu oqaloqatigiissinnaanissaq pingaartipparput.

Tamanna KNI-mi politikkini akuersissutaallutik atuuttuni ukunani ersersinneqarpoq:

- Ileqqussanik malittarisassanik politikki
- Inuiaqatigiinni akisussaaqataanerme politikki

KNI-mi noqqaasarfiit qanoq pissuseqarnissaannut politikki Naalagaaffiit Peqatigiiffianni FN-imi tunngaviusunik ILO-milu isumaqatigiissutinik tunngaveqarpoq. Pissusilersuutissatut politikkami matumani piumasaqaatit sukumiisumik taagorneqartut minnerpaaffissatut isigineqassapput taamaattumillu noqqaasarfiit ileqqorissaartumik niuernerme ingerlatsinerminni qaffasinnerusumik piumasaqaateqarsinnaanerat ajornartinneqanngilaq.

Noqqaasarfitta qanimut suleqatiginerisigut taakkulu noqqaasarfiinut piumasaqarsinnaatillugit piumasaqarfiginerisut aatsaat KNI-p akisussaassusilimmik nioqqutissarsiortarsinnaanera ilisimavarput. Aatsaat taamatut iliornitsigut pilersuinerme noqqaasarfiit ungasinnerusumiit pilersuisuusut piumasaqarnitsigut sunniivigisinnaavavut. Noqqaasarfiit namminneerlutik noqqaasarfigisamik pissuserissaartumik tunngavissat piumasaqaatillu eqquutsinneraat qulakkiissavaat. Noqqaasarfiit namminneerlutik noqqaasarfitik pillugit noqqaasarfiillu pissusilersuutaat pillugit paasissutissanik tutsuiginartunik noqqaasarfiit katersisassapput kiisalu noqqaasarfiit pissusilersuutissaannut politikkerisaasa uppernarsaateqartinnissaannut pappiaqqat toqqortarisassallugit.

KNI-mut noqqaasarfinnut piumasaqaatit atuuttut makkuupput:

1. Peqatigiiffeqarsinnaatitsineq ataatsimoorlunilu isumaqatiginninniarsinnaatitsinerit

ILO-mi isumaqatigiissut nr. 87, 98, 135 aamma 154

Sulisut namminneq kissaatiminnik peqatigiiffinut ilaasortaasinnaanissaat imaluunniit peqatigiiffiliorsinnaanissat

kiisalu ataatsimoorlutik isumaqatiginninniarsinnaanissamik ingerlatsisinnaanissaat noqqaasarfiit qulakkeertassavaat. Suliamut tunngatillugu peqatigiiffiliorsinnaanerit ataatsimoorussamillu isumaqatiginninniarsinnaanerit noqqaasarfiit akornusersussannngilaat aamma pinaveersaartissannngilaat.

2. Meeqqanik sulisoqarneq

(Naalagaaffiit Peqatigiit Meeqqat pisinnaatitaaffii pillugit Isumaqatigiissutaat, ILO-mi isumaqatigiisummi nr. 138, 182, aamma ILO-mi innersuussutit nr. 79 aamma 176.)

Sulisut 15-it ataallugit ukioqassannngillat kiisalu nunami sumiiffigisami suliffeqarsinnaanerup pinngitsooranilu atuartaatitaanerup atuartaat ukiukinnerpaaffissaasa killingat ataassimassanagu, tassani qanoq ukioqartussaannermi qaffasissusissaq apeqqutaalluni. Nunani ineriartortitassani ILO-mi isumaqatigiisummi nr. 138 naapertorlugu sumiiffinni sulisinnaasut 14-inik ukiukinnerpaallutik sulisinnaanerit immikkut akuerisaappata tamanna akuersaarneqarsinnaavoq. Meeqqat 18-it ataallugit ukiullit peqqissusaannut isumannaatsuunissaannullu innarliisinnaasuni ileqqorissaarnermilu tunngasut naapertorlugit suleqqusaannngillat, unnuakkut sulinerit ilanngullugit. ILO-mi isumaqatigiisummi nr. 138 aamma 182 unioqqutinneqarpata meeqqanik sulisoqartarnerup atorunnaarsikkiartornissaanut politikkilliortoqassaaq iliuusissanillu pilersaarusiortoqarluni. Iliuusissatut pilersaarutit sulisunut soqutigisaqatigiinnullu pineqartunut uppersarneqassapput attaveqatigiisutigineqarlutillu. Meeqqat pineqartut pinngitsooratik atuartaatitaanermit qassinik ukioqarnissap qaangernissaata tungaanut qanoq ilinniagaqarsinnaanerinit ikiorneqarnissaannik aqqissuisoqassaaq. Tamakkununga tunngasut tamaasa KNI A/S-imut uppersarneqassapput oqaloqatigiisutigineqarlutillu.

3. Assigiinngisitsineq inuppalaanngitsumillu pinninnerit

ILO-mi isumaqatigiisut nr. 100, 111 aamma Naalagaaffiit Peqatigiit isumaqatigiisutaanni allaaserisaq 7

Kikkulluunniit inuiaassusertik, upperisartik, isummatik, suaassusertik, katissimanertik, ukiutik, politikikkut inissisimanertik, sumiuunertik, innarluuteqarnertik, peqqissutsikkut inissisimanertik imaluunniit suaassusermut ornigisaq tunngavigalugit inuusut immikkoortinneqannginnissaat noqqaasarfiup qulakkiissavaa.

Pinngitsaaliilluni sulisitsinernut, timikkut naalliutsitsinernut pillaanernulluunniit kiisalu timikkut tarnikkullu naalliutsitsinissamik sioorasaarnerit, tamatumani kanngunarsaanerit, kinguaassiutitigut kanngunarsaanerit, oqaatsitigut innarliinerit qunusiarinninnerillu ilanngullugit, inerteqqutaapput.

4. Suliffimmi avatangiisit isumannaallisaanerlu

ILO-mi isumaqatigiisummi nr. 155

Suliarisap iluani ilisimasat navianartunillu aalajangersimasunut tunngasuni ilisimasat naapertorlugit peqqinnartumik isumannaatsumillu avatangiiseqarluni sulinissaq qulakkeerneqassaaq. Kemikalit pinngoqqaatillu allat navianartut isumannaatsumik suliarineqartassapput. Suliffeqarfimmut tunngasuni ajutoornerit ajoqusersinnaanerillu naleqquttunik pinaveersaartitsivigalugit aqqiissuteqarfigneqartassapput.

Sulisut issumannaallisaanermit sulinermilu avatangiisini sungiusarneqartuarnissaat

uppernarsarneqartassaaq. Sulisunut nutaanut sulisunullu atorfimmini allaanerusunik suliaqalersunut sungiusartitsineq ingerlanneqartassaaq. Sulisut isumannaatsuunissaannut arlaannik pisoqariataarsinnaaneranut ilimanaateqarnerusunut sungiusartitsisarnissaaq ingerlateqqinneqartuuartassaaq.

5. Akissarsiat

ILO-mi isumaqatigiisummi nr. 131

Sapaatip akunneranut nalinginnaasumik sulinermi akissarsiassat akiliutissallu nunami sumiiffigisami inatsisit tunngavigalugit suliaqarfiullu iluani malinneqartut naapertorlugit tunniunneqartassapput, arlaat akisunerusoq atorneqartassalluni. Sulisup tunngaviusumik pisariaqartitaanut matussusiisusannik akissarsiat amerlassuseqartuaannassapput, tamatumani isertitanut naliliineq ilaatinneqassalluni. Qanoq akissarsiaqarnissaaq akissarsiaqarnermilu tunngasut suliap aallartinnginnerani allaganngorlugu isumaqatigiissutigineqaqqaartassaaq. Isumaqatigiissut sulisumut paasiuminarsarneqassaaq.

6. Piffissaq suliffissaq

ILO-mi isumaqatigiissut nr. 1 aamma 14

Sulinerup sivilissusissaa eqqarsaatigalugit nunami sumiiffimmi suliallu iluani malittarisassat sulisumut iluaqutaanerusimappata taakku malinneqassapput. Sapaatip akunneranut nalunaaquttat akunneri suliffiusussat 48-t qaangerneqassanngitsut innersuussutaapput. Sulisoq ullut arfineq-aappasaani sivikinnerpaamik ullormik ataatsimik sulinngiffeqartassaaq. Qaangiuttoorluni sulinerit nammineq kajumissutsimik ingerlanneqartassapput killilersimaarneqartassallutillu. Sapaatip akunneranut qaangiuttoorluni sulinerit amerlanerpaamik nalunaaquttat akunnerini aqqaneq-marlunni pisassapput, tassalu sapaatip akunneranut sulinerit katillugit nalunaaquttap akunnerini 60-ini amerlassuseqassallutik. Allaanerusumik sivilissusiliinerit akuerineqarsinnaapput nunami sumiiffigisami inatsisinik tunngaveqartumik tamanut atuuttunut naleqqussarneqarsimappata. Sulisut qaangiuttoorlutik sulitillugit inatsisit atuuttut tunngavigalugit akilerneqartassapput.

7. Nalorninartunik atorfinitsitsisoqassanngilaq

ILO-mi isumaqatigiissut nr. 95, 158, 175, 177, 181

Inatsisit atuuttut naapertorlugit atorfinitsitsinerni nunani tamani atuuttuni isumaqatigiissutit, nunami sumiiffinni inatsisit malittarisassallu atuuttut naapertorlugit pisussaaffiit sivikitsuinnarmik atorfitsitsisarnikkut, allanik noqqaasarfilersornikkut imaluunniit sulinermi attuumassuteqarfigisat aqqutiginerisigut unioqqutinniarneqassanngillat (assersuutigalugu immikkut isumaqatigiissuteqarfigalugit atorfinitsitsinikkut, laajatuinnaq sulisitsinikkut ullormuinnaq sulisartunik sulisitsinikkut).

Sulisup pisinnaasaanut pissusilersuutaanulluunniit imaluunniit suliffeqarfiup ingerlatsinermi piumasaqaataanut tunngassuteqartunut patsissaaqanngitsumik sulisut suliunnaartinneqartassanngitsut noqqaasarfiit eqquutsissavaat. Soraarsitsinermi tunngavilersuutit unioqqutitsisutut isigineqartut tassaapput suliambut tunngatillugu ilaasortaaffigisamut imaluunniit peqatigiiffilerinermut peqataanerit, sulisitsisut pillugit naammagittaalliutit tunniunneqartut, inuattut suminngaanneerineq, ammip qalitaapaa, suaassuseq, katisimaneq, ilaqtariiussutsimi pisussaaffiit,

naartuneq, upperisaq, politikkikkut isummersimaneq, inuttut kingoqqivik, napparsimalluni sulingikkallarnerit kiisalu meerartaarnermut atatillugu sulingikkallarnerit pissutigalugit soraarsitsinerit. Sulisoq kinaluunniit soraarsitaaguni taamaanneraanernut tamanut imminut illersorsinnaatitaavoq.

8. Innuttaasut akornanni tatineqarsimasut

Innuttaasut politikkikkullu pisinnaatitaaffiit pillugit Naalagaaffiit Peqatigiit isumaqatigiissutaanni allaaserisaq 1 aamma 2 kiisalu Nunat Inoqqaavisa pisinnaatitaaffii pillugit Naalagaaffiit Peqatigiit Nalunaarutaat.

Pinngortitap atugassarititaanik atuilluni nioqutissiornermi innuttaasunik tatineqarsimallutik inuusunut atugassarititaasut isertitaqarnissaannullu tunngaviinut ajoqutaasinnaasumik kinguneqartumik ingerlatsisoqassanngilaq, assersuutigalugu innuttaasut taakku nunaminertat annertuut imaluunniit imermik pinngortitamillu innuttaasut taakku pinngitsoorsinnaanngisaannik akisussaassuseqanngitsumik atuinerit.

9. Avatangiisinik illersuineq

Inuit peqqissusaannut avatangiisimillu innarliisiinnaasunut tunngasut pilersuinermi ataqatigiissuni tamani ingerlanneqartussani suliniuteqartoqarnissaa noqqaasarfiup qulakkiissavaa. Tamatumani pineqartunut ilaapput mingutsitsinerup minnerpaamiitinneqarnissaa, pinngortitamit atugassarititaasunik pitsaasumik piujuartitsisumillu atuisoqarnissaata siuarsaaqataaffiginissaa, tamatumani nukissiuutinik imermillu atuneq ilanngullugit kiisalu nioqutissiornermik assartuinermilu gassinik silaannarmut kissatsitsisartunik aniatitsinerit apparsaaqataaffiginissaat.

10. Akilersilluni peqquserlunnerit

Iluanaarniarnissaq pillugu oqartussaaffimmik atorneqarluineq KNI-p akuersaanngilaa. Akiliilluni peqquserlutsitsinerit, pinngitsaaliilluni akiliisitsiniarnerit tunissutissat nalinginnaasumit annertunerit akiliutsillunilu angalanerit tamaasa akuersaanngilavut. Pisortani sulisunut, nunarsuarmit tamani atuuttuni aqqissuussanut imaluunniit inummut allamut ileqqorluttumik iluaquteqarniarnermik kajumissaariniarnermilluunniit noqqaasarfiit neqerooruteqassanngillat neriorsuuteqassanatilluunniit. Noqqaasarfiit KNI-mi sulisunut, KNI sinnerlugu aallartitaasunut imaluunniit taakku qanigisaannut noqqaasarfiit tunissuteqassanngillat, tunissuteqassagunillu tunissut taamaallaat annikitsuaraasinnaalluni.

11. Unammillernermit inatsit

Noqqaasarfiit akunnermini niuernikkut isumaqatigeereerlutik imaluunniit suliffeqarfinnut allanut qanoq akeqartitsinissamik isumaqatigeereerlutik iliuuseqartunut peqataassanngillat. Tamanna isumaqarpoq akit sunnarniarsaralugit unammillertinik suleqateqartoqassanngitsoq, niuerfigisag agguarneqassanngitsoq imaluunniit tunisassiornermik killilersuisoqassanngitsoq. Noqqaasarfik niuerfigisami iluani saqquminerpaasutut inissisimaguni unammillernermit, suliffeqarfii allat niuerfigisamut suleqataanissaannut imaluunniit atugassarititaasut naapertuutinngitsumik piumasaqaasersornissaannut inissisimanertik atorneqarluussanngilaa.

12. Noqqaasarfiit aqutsinermi periusaat

Noqqaasarfiit qanoq pissuseqarnissaannut politikimi matumani piumasaqaatit atuutsinnissaannut noqqaasarfiit qanoq iliuseqarlutik suliniuteqarnissaat KNI-p naatsorsuutigaa.

- Noqqaasarfiit qanoq pissuseqarnissaannut politikimi matumani piumasaqaatit noqqaasarfiup niuernermik ingerlataani atuutsilernissaannut qitiusumik inissisimasumik akisussaasoqarnissaa kissaataavoq.
- Noqqaasarfiit qanoq pissuseqarnissaannut politikkip matuma noqqaasarfimmi tamanit ilisimaneqarnissaa kissaataavoq.
- Pissusilersuutissatut politikkip matuma eqquutsinneqarnera noqqaasarfiit paasissutissanik naammattunik nassiussisinnaassapput kiisalu KNI-p piumasaqarneratigut paasissutissat naleqquttut uppersaateqartissallugit.
- Noqqaasarfiit nioqqutinik KNI-mut tunniussaqaarnissaminni noqqaasarfinnik allanik atugaqarsimagunik nioqqutit nioqqutissiarinerini akui tamarmik siammarternerinilu aqputigineqarsimasut tamarmik suminganneernerat paasiniarneqarsinnaasariaqarput.

Ulloq _____
Noqqaasarfik _____
Atsiorneq _____